

## 3. gr.

Þegar sýnistaka á útfluttu mjöli eða lýsi er á vegum Framleiðslueftirlits sjávarafurða, greiðast kr. 4 000 fyrir hvert sýni auk launa fiskmatsmannsins, sem annast sýnistökuna.

Starfsmenn framleiðslueftirlits sjávarafurða annast þessar sýnistökur samkvæmt leiðbeiningum frá Rannsóknastofnun fiskiðnaðarins og með þeim tækjum, sem Rannsóknastofnunin lætur þeim í té.

## 4. gr.

Forstjóra er heimilt að veita afslátt á gildandi gjaldskrá, ef um er að ræða fyrirfram samningsbundnar rannsóknir eða rannsóknaverkefni, sem hafa vísindalegt eða almennt hagnýtt gildi.

## 5. gr.

Gjaldskrá þessi er sett samkvæmt lögum nr. 64 21. maí 1965, um rannsóknir í þágu atvinnuveganna, til þess að öðlast gildi 1. júlí 1980 og birtist til eftirbreytni öllum þeim sem hlut eiga að máli.

Jafnframt er felld úr gildi gjaldskrá yfir efna- og gerlarannsóknir er Rannsóknastofnun fiskiðnaðarins annast nr. 224 frá 8. júní 1978.

*Sjávarútvegsráðuneytið, 18. júní 1980.*

F. h. r.

**Jón L. Arnalds.**

*Ingimar Einarsson.*

**REGLUGERÐ**

**um breytingu á reglugerð nr. 278 1. júlí 1979 fyrir Fiskveiðasjóð Íslands um lánaflokka.**

## 1. gr.

Á eftir 10. gr. komi ný grein er verði 11. gr., svohljóðandi:

Þrátt fyrir ákvæði 6. og 7. gr. reglugerðarinnar getur stjórn Fiskveiðasjóðs ákveðið að miða verðtryggingu útlána við lánskjaravísitölu þá, er Seðlabankinn skráir, sbr. 39. gr. laga nr. 13 10. apríl 1979 um stjórn efnahagsmála o. fl. Einnig er stjórn sjóðsins heimilt að ákveða að lán til fiskvinnslu séu að fullu vísitölutryggð en lán til fiskiskipa verði að öllu leyti í reikningseiningum Fiskveiðasjóðs.

## 2. gr.

11. gr. reglugerðarinnar verði 12. gr.

## 3. gr.

Reglugerð þessi er hér með sett samkvæmt lögum nr. 44 25. maí 1976 um Fiskveiðasjóð Íslands til þess að öðlast þegar gildi og birtist til eftirbreytni öllum þeim, sem hlut eiga að máli.

*Sjávarútvegsráðuneytið, 30. júní 1980.*

**Steingrímur Hermannsson.**

*Þórður Ásgeirsson.*